


¡Loitador, non te deteñas!
Ten cada hora novo alento,
sigue a luz que te ilumina,
mira a cotío pró ceo.
A un lado e outro do camiño
toparás pinchos e rebos,
e da estulticia e a envexa
ladrarianche os cans famentos.
¡Loitador, non te deteñas!
¡Levas a verdá no peito,
e a estrela que te guía
ten resplandores eternos!


Roberto Blanco Torres



Agora tomo o sol. Pero até agora
traballei cincoenta anos sin sosego.
Comín o pan suando día a día
nun labourar arreo.
Gastei o tempo co xornal dos sábados,
pasou a primavera, veu o inverno.
Dinlle ao patrón a frol do meu esforzo
i a miña mocidade. Nada teño.
O patrón está rico á miña conta,
eu, á súa, estou vello.
Ben pensado, o patrón todo mo debe.
Eu non lle debo
nin xiquera iste sol que agora tomo.
Mentras o tomo, espero.

Celso Emilio Ferreiro

Copyrighted Material



Copyrighted Material

Canto ao idioma galego


Idioma meu, homilde, nidio, popular,
labriego, suburbial e mariñeiro
que fas avergoñar
ó burgués, ó señorito i o tendeiro
levas sangue do povo
e raigañas escuras
que anuncian un día novo
sin mágoas nin tristuras.
Idioma proscrito,
asoballado, soterrado,
refugado, negado
como a probeza i o delito,
fala do emigrante e do maldito
soio resoas nos lares
das xentes populares.
¡Ti téis que rexurdir puro,
poderoso, enteiro
pra erguer noso futuro
de povo absoluto e verdadeiro!

Manuel María









BIBLIOGRAFÍA

Páxinas web:

- www.edu.xunta.gal
- galicia.swred.com
- www.pinterest.es
- www.poemas-del-alma.com/rosalia-de-castro-dicen-que-no-hablan-las-plantas.htm